

# ISA Arian Parod

Cynlluniwyd y cyfrif cynilo hwn yn benodol ar gyfer cwsmeriaid 18 oed neu hŷn sy'n chwilio am enillion di-dreth a'r gallu i adneuo arian a chael mynediad ato ar unwaith. Dim ond ar gyfer ymgeiswyr newydd sy'n byw yng Nghymru neu aelodau presennol (sy'n byw yn y Deyrnas Unedig) y mae ein cynhyrchion cynilo ar gael.

*Nodwch os gwelwch yn dda fod y Gymdeithas yn derbyn trosglwyddiadau i mewn i ISAs ar hyn o bryd, i'w chyfrifon ISAs Arian Parod, cysylltwch â'ch swyddfa gangen leol i gael mwy o wybodaeth.*

**SWANSEA**  
BUILDING SOCIETY

Sefydlwyd 1923

[www.swansea-bs.co.uk](http://www.swansea-bs.co.uk)

## Blwch crynodeb – Gwybodaeth Allweddol am y Cynnyrch:

Enw'r Cyfrif	ISA Arian Parod
Beth yw'r gyfradd llog?	<ul style="list-style-type: none"><li>4.25% Di-dreth/AER (Amrywiol) Cyfraddau'n gywir ar 01.12.2023</li><li>Mae llog yn amrywio ac fe'i cyfrifir yn ddyddiol ar y balans yn y cyfrif a'i dalu i'r cyfrif bob blwyddyn ar Fawrth 31.</li><li>Telir llog yn gros heb i dreth gael ei dynnu. Os yw cyfanswm y llog a enillwch yn fwy na'ch Lwfans Cynilo Personol yna efallai y bydd angen i chi dalu treth yn uniongyrchol i CThEM. Am ragor o wybodaeth ewch i <a href="http://www.gov.uk">www.gov.uk</a> a chwilio am 'Personal Savings Allowance'.</li><li>Ystyr AER yw Cyfradd Flynyddol Gyfatebol (Annual Equivalent Rate) ac mae'n darlunio beth fyddai'r gyfradd llog pe telid y llog a'i ychwanegu'n flynyddol.</li><li>Nodwch os gwelwch yn dda fod y driniaeth o ran treth a'r gyfradd llog sy'n daladwy, yn dibynnu ar amgylchiadau unigol pob cwsmer, ac fe allant newid yn y dyfodol.</li><li>Bydd y gyfradd llog ar gyfer y cyfrif hwn yn cael ei harddangos ar ein gwefan ar <a href="http://www.swansea-bs.co.uk">www.swansea-bs.co.uk</a> er mwyn i gwsmeriaid gael mynediad a monitro o bryd i'w gilydd yn ôl y galw.</li></ul>
A all Swansea Building Society newid y gyfradd llog?	<ul style="list-style-type: none"><li>Gall – mae cyfraddau llog yn amrywiol, sy'n golygu y gall y gyfradd llog fynd i fyny ac i lawr, a gellir eu newid ar unrhyw adeg.</li><li>Byddwn ni'n rhoi 14 diwrnod o rybudd ysgrifenedig drwy'r post ynghylch unrhyw newid arfaethedig i'n cyfraddau llog. Byddant hefyd yn cael eu postio ar ein gwefan, <a href="http://www.swansea-bs.co.uk">www.swansea-bs.co.uk</a> neu gallwch ymweld ag unrhyw un o'n swyddfeydd cangen a restrir ar gefn y daflen hon, neu'u ffonio. Gellir cael manylion am gyfraddau llog cyfrifon cynilo eraill Swansea Building Society yn ein taflen 'Detholiad o Gyfrifon Cynilo' sydd ar gael drwy ymweld ag un o'n canghennau, neu'u ffonio neu ar lein ar <a href="http://www.swansea-bs.co.uk">www.swansea-bs.co.uk</a>.</li><li>Er mwyn deall pam y gallai cyfraddau gael eu gostwng, cyfeiriwch os gwelwch yn dda at ein Telerau ac Amodau Cyffredinol ar gyfer gweinyddu Cyfrifon Cynilo.</li></ul>
Beth fyddai'r amcangyfrif o falans ar ôl 12 mis?	<ul style="list-style-type: none"><li>Balans arfaethedig = £1,042.50 (Mae'r ffigwr hwn i bwrpasau darlunio'n unig, ac nid yw'n ystyried amgylchiadau unigol y cwsmer, yn seiliedig ar wneud adnau o £1,000 a dim adneuo ychwanegol, na chodi arian na newid i'r gyfradd llog yn ystod y cyfnod 12 mis.)</li></ul>
Sut ydw i'n agor a rheoli fy nghyfrif?	<ul style="list-style-type: none"><li>Dim ond un ISA Arian Parod Mynediad ar Unwaith a ganiateir fesul person. Ni chaniateir cyfrifon ar y cyd.</li><li>I agor cyfrif, rhaid i chi fod yn preswyllo yng Nghymru ac yn 18 oed neu hŷn. Galwch yn un o'n canghennau neu llenwch ffurflen gais a'i phostio atom ynghyd â siec yn daladwy i '(eich enw)'. I gael mwy o fanylion am ein proses Adnabod, gweler ein Taflen Profi eich Hunaniaeth sydd ar gael o swyddfeydd cangen neu ar lein ar <a href="http://www.swansea-bs.co.uk">www.swansea-bs.co.uk</a>.</li><li>Lleiafswm y buddsoddiad yw £1. Penderfynir ar uchafswm y buddsoddiad gan reoliadau ISA sydd mewn grym ar y pryd. Uchafswm y balans y gellir ei ddal ar draws yr holl gyfrifon a ddelir gyda'r Gymdeithas yw £1m*, neu £500k os oedd y cwsmer wedi agor cyfrif gyda'r Gymdeithas am y tro cyntaf ar neu ar ôl 01.03.23. *Sylwer, pan fydd gan gwsmer(iaid) presennol a agorodd gyfrif ar neu cyn 28.02.23 falans ar draws cyfrifon o fwy na £500k, ni fyddant yn cael adneuo arian pellach os yw eu balansau cyfun yn fwy na'r symiau hyn.</li><li>Gellir adneuo arian â siec, archeb sefydlog, trosglwyddiad banc electronig, trosglwyddiad o gyfrif arall a ddelir gan y Gymdeithas (yn unol â Thelerau ac Amodau'r cyfrif hwnnw) neu arian parod (cyfyngir adneuo arian parod i £3,000 fesul cwsmer fesul dydd).</li><li>Gallwch reoli eich cyfrif mewn cangen, dros e-bost, drwy'r post neu ar lein drwy neges ddiogel (yn ddibynnol ar feini prawf cymhwysedd Cyfrif Swansea Online, ar gael pan fyddwch chi'n clicio ar 'Cofrestru Nawr / Register Now' ar <a href="https://swansea-bs.co.uk/customer-support/online-registration">https://swansea-bs.co.uk/customer-support/online-registration</a>).</li></ul>
Ydw i'n gallu codi arian?	<ul style="list-style-type: none"><li>Ydych, does dim rhaid i chi roi rhybudd cyn cau eich cyfrif na chodi arian ohono.</li><li>Gallwch godi arian o'ch cyfrif ar unrhyw adeg heb roi hysbysiad, heb golli llog na chael cosb, drwy ymweld â ni mewn cangen. Neu gallwch anfon eich cyfarwyddyd ysgrifenedig atom wedi'i lofnodi, drwy'r post, dros e-bost neu drwy gyfrwng ein gwasanaeth ar lein Swansea Online gan ddefnyddio'r gwasanaeth anfon neges ddiogel.</li><li>Y lleiafswm y gellir ei godi yw £1 (neu lai os yw'r cyfrif yn cael ei gau). Isafswm y balans y mae angen ei ddal yn y cyfrif hwn yw £1.</li><li>Uchafswm yr arian y gellir ei godi fesul cwsmer fesul dydd yw £1,000</li></ul>

<p><b>Gwybodaeth Ychwanegol</b></p>	<ul style="list-style-type: none"> <li>I weld y Telerau ac Amodau Cyffredinol sy'n berthnasol i'r cyfrif hwn, gweler "Telerau ac Amodau Cyffredinol ar gyfer gweithredu Cyfrifon Cynilo", sydd ar gael o'n canghennau neu ar lein ar <a href="http://www.swansea-bs.co.uk">www.swansea-bs.co.uk</a>.</li> <li>Mae'r Gymdeithas yn rhan o'r Cynllun Iawndal Gwasanaethau Ariannol (FSCS). Gellir gweld manylion y cynllun a phwy sy'n cael eu gwarchod ganddo ar <a href="http://www.fscs.org.uk">www.fscs.org.uk</a>.</li> <li>Fe all costau a ffioedd gwasanaeth fod yn berthnasol i'ch cyfrif. Amlinellir y rhain yn ein Toll Cynilo.</li> <li>Dan rai amgylchiadau, fe allwn wrthod cyfarwyddyd i weithredu cyfrif. Amlinellir yr amgylchiadau hyn yn ein Telerau ac Amodau Cyffredinol ar gyfer gweithredu Cyfrifon Cynilo.</li> <li>Mae'r cyfrif at ddefnydd personol, nid ar gyfer busnes, oni bai ei fod yn un o'n cyfrifon arbennig ar gyfer sefydliadau.</li> </ul>
<p><b>Telerau ac Amodau Penodol ar gyfer Cyfrif ISA Arian Parod</b></p>	<p><b>1. Rheoliadau ISA:</b></p> <ol style="list-style-type: none"> <li>Cyhoeddir cyfrifon yn unol â'r rheolau manwl a gynhwysir yn 'Rheoliadau'r Cyfrif Cynilo Unigol 1998', 'Rheoliadau'r Cyfrif Cynilo Unigol (Diwygiad) 2007', Rheoliadau'r Cyfrif Cynilo Unigol (Diwygiad Rhif 2) 2010 ac unrhyw ddiwygiadau dilynol iddynt. ('Y Rheoliadau').</li> <li>Rhaid eich bod heb danysgrifio eisoes i ISA Arian Parod mewn Cymdeithas arall yn ystod y flwyddyn dreth bresennol heblaw am drwy gyfrwng tanysgrifiadau amnewidiol. Nid yw tanysgrifiadau amnewidiol yn cyfrif fel tanysgrifiadau i bwrpas penderfynu a yw'r buddsoddw'r wedi tanysgrifio i fwy nag un ISA. Gallwch wneud tanysgrifiadau lluosog i ISAs niferus o'r un math (heblaw LISA) o fewn y flwyddyn dreth gyda darparwyr eraill ar yr amod fod eu TacA yn caniatâu hyn. Rhaid i bob tanysgrifiad aros o fewn cyfyngiad cyffredinol ISA sef £20,000. Nid yw tanysgrifiadau amnewidiol yn cyfrif fel tanysgrifiadau.</li> <li>Rhaid i'ch buddsoddiad ISA fod yn eich perchnogaeth fuddiol a rhaid iddo aros felly, ni cheir ei ddefnyddio fel gwarant ar gyfer benthyciad.</li> <li>Byddwn yn eich hysbysu os yw eich ISA, oherwydd unrhyw fethiant i fodloni darpariaethau'r Rheoliadau ISA, wedi dod yn ddi-rym.</li> <li>Rhaid i'r buddsoddiad uchaf y gallwch ei wneud i'ch ISA Arian Parod mewn unrhyw un flwyddyn dreth beidio â bod yn fwy na'r terfyn Arian Parod blynyddol a bennir yn y 'Rheoliadau'.</li> <li>Byddwn yn bodloni ein hunain bod unrhyw berson yr ydym yn dirprwyo unrhyw un o'n swyddogaethau neu gyfrifoldebau iddo o dan y telerau y cytunwyd arnynt gyda chi yn gymwys i gyflawni'r swyddogaethau a'r cyfrifoldebau hynny.</li> </ol> <p><b>2. Agor Cyfrifon a Therfynau Buddsoddiadau:</b> Mae'r ISA Arian Parod hwn ar agor i gwsmeriaid ISA newydd a phresennol. Ar hyn o bryd rydym ni'n derbyn trosglwyddiadau i mewn i ISAs (ond mae'r Gymdeithas yn cadw'r hawl i newid hyn ar unrhyw adeg heb roi rhybudd).</p> <p>Gallwch danysgrifio i un cyfrif ISA Arian Parod y Gymdeithas yn unig gan ddefnyddio tanysgrifiadau'r flwyddyn bresennol yn y flwyddyn dreth bresennol, oni bai eich bod chi'n gwneud tanysgrifiadau amnewidiol i ISA hyblyg. Serch hynny, gellir agor cyfrif ISA Arian Parod arall ychwanegol gyda thelerau mynediad gwahanol i dderbyn trosglwyddiad i mewn o danysgrifiadau blynyddoedd blaenorol yn y flwyddyn dreth bresennol. Ni ellir dal cyfrifon ISA ar y cyd. Gellir agor cyfrifon ISA gyda thanysgrifiad (i gwsmeriaid cymwys sy'n 18 oed a hyn) yn ddibynnol ar y terfynau buddsoddi. Cewch wneud tanysgrifiadau lluosog i ISAs lluosog o'r un math (heblaw ISA) o fewn y flwyddyn dreth gyda darparwyr eraill ar yr amod fod eu TacA yn caniatâu hyn. Nid yw tanysgrifiadau amnewidiol yn cyfrif fel tanysgrifiadau.</p> <p>Lleiafswm y buddsoddiad yw £1. Nodwch os gwelwch yn dda, o dan reoliadau ISA, na all uchafswm y buddsoddiad a wneud i gyfrifon unigol / lluosog ISA Arian Parod a ddelir yn unrhyw flwyddyn dreth fod yn uwch na'r terfyn Arian Parod blynyddol a nodir yn y 'Rheoliadau'. (Nodwch os gwelwch yn dda mai dim ond i un cyfrif ISA Arian Parod gyda'r Gymdeithas y gallwch dalu tanysgrifiadau'r flwyddyn gyfredol yn y flwyddyn dreth bresennol. Serch hynny, gellir agor cyfrif ISA Arian Parod â thelerau mynediad gwahanol i dderbyn trosglwyddiad i mewn o danysgrifiadau blynyddoedd blaenorol).</p> <p>Uchafswm y balans y gellir ei ddal ar draws yr holl gyfrifon a ddelir gyda'r Gymdeithas yw £1m*, neu £500k os oedd y cwsmer wedi agor cyfrif gyda'r Gymdeithas am y tro cyntaf ar neu ar ôl 01.03.23. *Sylwer, pan fydd gan gwsmer(iaid) presennol a agorodd gyfrif ar neu cyn 28.02.23 falans ar draws cyfrifon o fwy na £500k, ni fyddant yn cael adneuo arian pellach os yw eu balansau cyfun yn fwy na'r symiau hyn.</p> <p><b>3. Buddsoddi Pellach:</b> Gallwch ychwanegu at eich cynilon ar unrhyw adeg, drwy alw yn eich cangen leol â'ch adnau. Os yw'n fwy cyfleus, gallwch bostio'r adnau, gwneud taliad drwy drosglwyddiad banc electronig neu gynilo ag archeb sefydlog o gyfrif banc neu gymdeithas adeiladu a leolir yn y DU. *Sylwer, pan fydd gan gwsmer(iaid) presennol a agorodd gyfrif ar neu cyn 28.02.23 falans ar draws cyfrifon o fwy na £500k, ni fyddant yn cael adneuo arian pellach os yw eu balansau cyfun yn fwy na'r symiau hyn.</p> <p>Ar hyn o bryd rydym ni'n derbyn trosglwyddiadau i mewn i ISAs (gellir newid hyn yn ôl doethineb y Gymdeithas ar unrhyw adeg).</p>

**Telerau ac Amodau  
Penodol ar gyfer  
Cyfrif ISA Arian Parod**

**4. Codi arian / Cau:**

Gallwch godi arian o'ch cyfrif heb roi rhybudd yn unol â therfynau'r Gymdeithas. Dangosir manylion ein terfynau tynnu arian parod a siec yn ein swyddfeydd cangen ac ar ein gwefan.

Os yw'r arian a godir yn lleihau'r balans i lai na'r lleiafswm balans ar y cyfrif, sef £1, gallwn gau eich cyfrif trwy roi 30 diwrnod o rybudd.

Caniateir i chi gau eich cyfrif ISA Arian Parod ar unrhyw adeg heb rybudd. Os byddwch chi'n cau eich cyfrif ISA Arian Parod, ni ellir ei adfer.

**ISA Hyblyg:**

Gellir ad-dalu arian a godwyd o'ch cyfrif yn ystod yr un flwyddyn dreth heb iddo gyfrif at eich terfynau tanysgrifio ISA blynyddol. Mae llog a delir i gyfrif arall yn ystod y flwyddyn dreth yn cael ei gyfrif fel arian a godwyd a gellir ei adneuo yn ystod yr un flwyddyn dreth heb iddo gyfrif at y terfyn tanysgrifio. Bernir bod unrhyw arian a godir yn dod yn gyntaf o danysgrifiadau'r flwyddyn gyfredol, ac wedyn o gronfeydd blynyddoedd blaenorol. Bernir bod adneuo amnewidiol yn dod yn gyntaf o gronfeydd blynyddoedd blaenorol ac wedyn o danysgrifiadau'r flwyddyn gyfredol.

Rhaid i unrhyw adferiad cronfeydd ISA hyblyg y flwyddyn flaenorol gael eu gwneud i'r cyfrif y codwyd yr arian ohono, ac yn yr un flwyddyn dreth.

Ni ellir talu'n ôl unrhyw arian a godwyd ac na chafodd ei adfer o fewn yr un flwyddyn dreth heb iddo gyfrif tuag at eich lwfans ISA blynyddol.

**5. Llog:**

Mae'r llog yn amrywiol ac yn cael ei gyfrif yn ddyddiol ar y balans yn y cyfrif. Ar yr amod bod y cyfrif yn cydymffurfio â'r 'Rheoliadau' bydd yr holl llog sy'n ddyledus yn rhydd o drethiant y DU. Gellir newid trethiant ISAs ar unrhyw adeg heb rybudd.

Bydd llog yn cael ei gredydu i'r cyfrif ar ddiwedd diwrnod gwaith ar 31 Mawrth yn flynyddol.

Anfonir datganiad blynyddol ar 31 Mawrth.

**6. Trosglwyddo Allan o ISA:**

Yn ôl eich cyfarwyddyd, gellir trosglwyddo eich ISA, neu ran o'ch ISA, i reolwr ISA arall yn unol â Rheoliadau ISA sy'n ymwneud â throsglwyddiadau.

Gallwch drosglwyddo tanysgrifiadau blwyddyn gyfredol eich ISA Arian Parod yn gyfan neu'n rhannol i ISA Arian Parod arall gyda rheolwr ISA arall, yn ddiwyddol ar y cyfnod hysbysu addas.

Mewn achos ble byddwch chi'n trosglwyddo tanysgrifiadau'r flwyddyn gyfredol yn gyfan gwbl neu'n rhannol o un math o ISA i fath arall, trinnir y swm tanysgrifiadau a drosglwyddir fel pe baent wedi'u gwneud i'r rheolwr ISA sy'n derbyn. Er enghraifft, os yw tanysgrifiadau ISA Arian Parod eich blwyddyn gyfredol yn cael eu trosglwyddo i ISA stociau a chyfranddaliadau, cânt eu trin fel petaent wedi'u gwneud i'r ISA stociau a chyfranddaliadau felly gallwch danysgrifio i ISA Arian Parod yn dilyn y trosglwyddiad yn ddarostyngedig i'r blynyddol terfyn tanysgrifio.

Gallwch drosglwyddo unrhyw danysgrifiadau blwyddyn dreth flaenorol yn gyfan gwbl neu'n rhannol i ISA Arian Parod neu fath arall o ISA a ddelir gyda rheolwr ISA arall, heb iddo effeithio ar eich lwfans buddsoddi ISA blynyddol ar gyfer y flwyddyn dreth gyfredol.

Caniateir codi arian yn rhannol o'r ISA Arian Parod hwn.

Rhaid i drosglwyddiadau o un ISA Arian Parod i ISA Arian Parod arall ddigwydd o fewn 15 diwrnod busnes ar ôl derbyn cyfarwyddiadau'r trosglwyddiad gan reolwr yr ISA newydd.

**7. Telerau ac Amodau:**

Mae'r Telerau ac Amodau Cynnyrch penodol hyn yn berthnasol i'r cyfrif hwn yn ogystal â'n Telerau ac Amodau Cyffredinol ar gyfer Cyfrifon Cynilo. Pan fydd unrhyw anghysondeb rhwng y Telerau ac Amodau Cyffredinol ar gyfer Cyfrifon Cynilo a'r Telerau ac Amodau Cynnyrch penodol, y Telerau ac Amodau

Mae'r wybodaeth a ddarperir yn fersiwn gryno o nodweddion allweddol y cyfrif cynilo, ac ni fwriedir iddynt fod yn lle darllen y telerau ac amodau sy'n berthnasol i'r cyfrif.

**SWANSEA**  
BUILDING SOCIETY

Sefydlwyd 1923

[www.swansea-bs.co.uk](http://www.swansea-bs.co.uk)

**Caerfyrddin**

13-14 Heol Awst, Caerfyrddin SA31 3AQ  
01267 611950 | [carmarthen@swansea-bs.co.uk](mailto:carmarthen@swansea-bs.co.uk)

**Y Bont-faen**

75 Stryd Fawr, Y Bont-faen, CF71 7AF  
01446 506000 | [cowbridge@swansea-bs.co.uk](mailto:cowbridge@swansea-bs.co.uk)

**Y Mwmbwls**

496 Heol Mwmbwls, Abertawe SA3 4BX  
01792 739200 | [mumbles@swansea-bs.co.uk](mailto:mumbles@swansea-bs.co.uk)

**Abertawe**

1-4 Stryd Portland, Abertawe, SA1 3DH  
01792 739100 | [swansea@swansea-bs.co.uk](mailto:swansea@swansea-bs.co.uk)

Awdurdoddir Swansea Building Society gan yr Awdurdod Rheoleiddio Ariannol a'i reoleiddio gan yr Awdurdod Ymddygiad Ariannol a'r Awdurdod Rheoleiddio Ariannol. Rhif Cofrestr Gwasanaethau Ariannol: 206066